

ZAPISNIK

sa 8. Hitne sjednice Skupštine Kantona Sarajevo održane u srijedu, 12.02.2014.
godine, sa početkom rada u 10,00 sati

Prisutni poslanici/zastupnici:

SOCIJALDEMOKRATSKA PARTIJA BIH

1. Brigić Ivan
2. Crnogorac Branislav
3. Efendić Faruk
4. Fazlija Nedžad
5. Hajdarević Hadžem
6. Malić Mirjana
7. Papo Edina
8. Srna- Bajramović Segmedina

STRANKA DEMOKRATSKE AKCIJE BIH

1. Ademović Kemal
2. Alić Haris
3. Čomor Eldar
4. Hodžić Dževad
5. Konaković Elmedin
6. Mašović Amor
7. Zukić Amir

SAVEZ ZA BOLJU BUDUĆNOST

1. Ademović Kenan
2. Bajrović Izudin
3. Filipović Selma
4. Naser Nabil
5. Rađo Dževad
6. Solaković Adnan
7. Talović Munir

BOSANSKOHERCEGOVAČKA PATRIOTSKA STRANKA - Sefer Halilović

1. Backović Zaim

NAŠA STRANKA- NOVA SOCIJALISTIČKA PARTIJA- Zdravko Krsmanović

1. Kojović Predrag
2. Haverić Tarik

NARODNA STRANKA RADOM ZA BOLJITAK

1. Čardžić Damir

BOSS- Mirnes Ajanović

1. Radeljaš Esed

SAMOSTALNI POSLANICI/CE

1. Hošić Mujo
2. Hodžić Sabahudin
3. Jurić Mira
4. Mehmedić Besim
5. Mulaosmanović Fikreta
6. Pindžo Mirsad
7. Vajzović Hanka
8. Zeković Enes

Otvarajući 8.hitnu sjednicu gđa Malić je pozdravila uvažene kolege i kolegice poslanike/zastupnike, članove Vlade i uvažene goste, građane i cijenjene gledaoce TV Kantona.

Prema evidenciji Službe, sjednici prisustvuje svih 35 poslanika.

Kolegij Skupštine Kantona Sarajevo je na sjednici održanoj u ponedjeljak, 10.02.2014. godine u skladu sa članom 71. Poslovnika utvrdio da postoji osnov za sazivanje Hitne sjednice Skupštine Kantona Sarajevo i današnji dan 12.02.2014 odredio termin održavanja ovog Hitnog zasjedanja.

U skladu sa članom 65., Kolegij je pripremio Prijedlog Dnevnog reda 8. Hitnu sjednicu. Kolegij je predložio da Dnevni red za 8. Hitnu sjednicu Kantonalne Skupštine glasi:

1. Izvještaj MUP-a Kantona Sarajeva o aktuelnoj sigurnosnoj situaciji u Kantonu Sarajevo i dešavanjima vezanim za devastaciju objekata,
2. Razmatranje ostavke premijera Vlade KS,
3. Preduzimanje mjera od strane Skupštine i Vlade KS za funkcionisanje vitalnih funkcija bitnih za građane KS,
4. Uspostavljanje socijalnog dijaloga.

Prije usvajanja Dnevnog reda poslanik/zastupnik Konaković se obratio prisutnima s prijedlogom da se zamjene ove prve dvije tačke dnevnog reda. Nekako zbog cjelokupne situacije bilo bi logično da tačka broj 1. bude razmatranje ostavke i usvajanje ostavke premijera a onda dalje hronologija kompletnih dešavanja koja bi se trebala dešavati u narednom periodu.

Poslanici/zastupnici su aklamacijom da usvojili dnevni red koji glasi:

1. Razmatranje ostavke premijera Vlade KS,
2. Izvještaj MUP-a Kantona Sarajeva o aktuelnoj sigurnosnoj situaciji u Kantonu Sarajevo i dešavanjima vezanim za devastaciju objekata,
3. Preduzimanje mjera od strane Skupštine i Vlade KS za funkcionisanje vitalnih funkcija bitnih za građane KS,
4. Uspostavljanje socijalnog dijaloga

AD-1

RAZMATRANJE OSTAVKE PREMIJERA VLADE KS

Ispred Komisije za izbor i imenovanje poslanik / zastupnik Elmedin Konaković je obavjestio prisutne da je Komisija za izbor i imenovanja na hitnoj sjednici pripremila je Prijedlog odluke o razrješenju Vlade Kantona Sarajevo, koja glasi:

Odluka o razrješenju Vlade Kantona Sarajevo

I

Razrješava se Vlada Kantona Sarajevo u sastavu

Suad Zeljković premijer,

Velida Memić Ministarstvo pravde i uprave,

Zlatko Petrović Ministarstvo prostornog uređenja i zaštite okoliša,

Čedomir Lukić Ministarstvo stambene politike,

Jusuf Bubica Ministarstvo saobraćaja,

Nermin Pećanac Ministarstvo unutrašnjih poslova,

Emir Hrenovica Ministarstvo privrede,

Muhamed Kozadra Ministarstvo finansija,

Eldan Lokmić Ministarstvo zdravstva,

Ivica Šarić Ministarstvo kulture i sporta,

Muamer Bandić Ministarstvo za rad, socijalnu politiku, raseljena i izbjeglice,

Faid Hećo Ministarstvo za boračka pitanja.

II

Vlada u ostavci obavlja sve svoje nadležnosti u skladu sa Ustavom i zakonom. Potvrđivanje Vlade u novom sazivu mora se izvršiti najkasnije 60 dana od izglasavanja nepovjerenja Vladi.

III

Ova odluka stupa na snagu danom donošenja i objavit će se u Službenim novinama Kantona Sarajevo.

Komisija za izbor i administrativna pitanja Skupština Kantona Sarajevo je na sjednici održanoj dana 11.02.2014 razmtrala ostavku premijera Vlade Kantona Sarajevo Suada Zeljkovića i u skladu sa članom 202 Poslovnika Skupština Kantona Sarajevo, Službene novine Kantona Sarajevo broj 41/12, Drugo novi prečišćeni tekst 15/13 i 47/13 Komisija daje mišljenje. Prihvata se ostavka premijera Vlade Kantona Sarajevo Suada Zeljkovića. Na osnovu člana 9a stav 3. Zakona o izmjenama i dopunama zakona o Vladi Kantona Sarajevo, Službene novine Kantona Sarajevo broj 38/13 kada premijer podnese ostavku smatra se da su ostavku podnijeli i svi članovi Vlade, te je u skladu sa navedenim članom predložena odluka potvrđivanja Vlade u novom sazivu mora se izvršiti najkasnije u roku od 60 dana od izglasavanja nepovjerenja Vladi.
Hvala.

Predsjedavajuća je predložila da se usvoji Odluka koju je donijela Komisija za izbor i imenovanja i administrativna pitanja, što su poslanici/zastupnici jednoglasno prihvatili.

AD - 2.

IZVJEŠTAJ MUP-A KANTONA SARAJEVO O AKTUELNOJ SIGURNOSNOJ SITUACIJI U KANTONU SARAJEVO I DEŠAVANJIMA VEZANIM ZA DEVASTACIJU OBJEKATA

Ovaj Izvještaj poslanici/zastupnici su dobili pred početak sjednice. Ispred MUP-a Kantona Sarajevo prisutnima se obratio gđin. Halid Ganija.

Poslanik / zastupnik Kemal Ademović je ispred Komisije za sigurnost pročitao zaključke koje je donijela pomenuta Komisija i koji glase:

1. Iako je policija MUP-a Kantona Sarajevo uložila maksimalne i nadljudske napore sa raspoloživom opremom u cilju zaštite objekata i ljudstva uz 144 povriješena policijaca, a s obzirom da s druge strane nije bilo težeg ozljeđivanja učesnika demonstracija od strane policije ipak nije uspjela da zaštiti objekat Kantonalne Skupštine i kantonalne Vlade.
2. Daje se podrška MUP-u Kantona Sarajevo da nastavi poduzimati sve zakonom propisane mjere i radnje na zaštiti života, imovine građana, državnih i javnih institucija i neometanog odvijanja saobraćaja.
3. Predlaže se Skupština Kantona Sarajevo i Vladi Kantona Sarajevo da hitno obezbijedi sredstva za nabavku neophodne opreme za Ministarstvo unutrašnjih poslova Kantona Sarajevo.
4. Predlaže se Skupštini Kantona Sarajevo da donese zaključak da MUP Kantona Sarajevo u saradnji sa Kantonalnim tužilaštvom stavi u prioritet procesuiranje svih predmeta nezakonite privatizacije, privrednog kriminala, korupcije i organizovanog kriminala, kao i da hitno procesuiraju počiniocima krivičnih djela koji su uništili i zapalili zgrade Kantonalne Skupštine, Kantonalne Vlade, općine Centar, državnog Predsjedništva i zapalili državnu zastavu kao i uništili javnu i privatnu imovinu građana.
5. Nalaže se MUP-u Kantona Sarajevo da uskladu sa zakonom o javnim okupljanjima i drugim propisima obezbijedi učesnike mirnih demonstracija.

U raspravi koja je uslijedila učestvovali su: Tarik Haverić, Naser Nabil, Besim Mehmedić, Nedžad Fazlija, Halid Ganija zamjenik policijskog komesara, ministar Nermin Pećanac, Predrag Kojović, Esed Radeljaš, Faruk Efendić, Enes Zeković, Kemal Ademović, Edina Papo, Damir Čardžić, Zaim Backović, Branislav Crnogorac, Adnan Solaković, Selma Filipović, Mirsad Pindžo, Elmedin Konaković, Mujo Hošić, Mira Jurić, Segmedina Srna-Bajramović, Eldar Čomor.

Kako više nije bilo prijavljenih diskutanata predsjedavajuća Malić je predložila da se poslanici/zastupnici izjasne o Izvještaju MUP-a Kantona Sarajevo o aktuelnoj sigurnosnoj situaciji u kantonu sarajevo i dešavanjima vezanim za devastaciju objekata.

Skupština je većinom/ 28 glasova ZA i 7 suzdržanih) usvojila ovaj izvještaj.

Sada se pristupilo izjašnjavanju o zaključcima a vezani su za Komisiju za sigurnost Skupštine Kantona Sarajevo, sa ispravkom poslanika/zastupnika Mirsada Pindže. Skupština je jednoglasno usvojila ove zaključke.

Pristupilo se izjašnjanju o zaključku poslanika/zastupnika Faruka Efendića kojim se traži se od Nezavisnog odbora za izbor i reviziju policijskog komesara da hitno Skupštini Kantona Sarajevo dostavi informaciju o djelovanju i postupanju Policijskog komesara u dešavanjima u Kantonu Sarajevo od 07.02.2014. godine i dalje.

Na kraju prisutnim poslanicima/zastupnicima obratila se Predsjednica Nezavisnog odbora gđa Sanela Brković.

AD – 3.

PREDUZIMANJE MJERA OD STRANE SKUPŠTINE I VLADE KS ZA FUNKCIONISANJE VITALNIH FUNKCIJA BITNIH ZA GRAĐANE KS

Sekretar Skupštine Abid Kolašinac je u svom izlaganju upoznao prisutne poslanike/zastupnike o preduzetim mjerama za neophodno funkcionisanje Službe za skupštinske poslove koja je djelimično izmještena u prostorije Gradskog vijeća.

Ispred Vlade Kantona Sarajevo prisutnima se obratio VD premijera gđin Muhamed Kozadra, ističući da je Vlada od izbijanja ovih protesta je u kontinuiranom stalnom zasjedanju.

U raspravi koja je uslijedila učešće su uzeli: Haris Alić, Tarik Haverić, Elmedin Konaković, Mirjana Malić, Predrag Kojović.

Poslanik / zastupnik Besim Mehmedić:

U ime Kluba nezavisnih zastupnika gosp. Besim Mehmedić je zatražio pauzu od 15 minuta.

NASTAVAK NAKON PAUZE

Poslije pauze poslanik/zastupnik Besim Mehmedić je obrazložio razloge traženja pauze. U nastavku diskusije za riječ su se javili: Predrag Kojović, Kemal Ademović, Sekretar Abid Kolašinac, Naser Nabil, Haris Alić, Tarik Haverić, Damir Čardžić, Ivan Brigić, Elmedin Konaković, Enes Zeković, Dževad Hodžić, Eldar Čomor, Kemal Ademović, Zaim Backović, Dževad Rađo, Besim Mehmedić, Mirsad Pindžo, Branislav Cronogarac, Kenan Ademović i Faruk Efendić.

Na kraju usvojen je zaključak kojim se traži od Agencije za privatizaciju Kantona Sarajevo da u roku od 7 (sedam) dana dostavi Skupštini sve ugovore o privatizaciji. Nakon dostavljanja ugovora, Skupština će ih proslijediti na dalje postupanje

Predsjedavajuća Malić je zaključila rad 8.Hitne sjednice .

SEKRETAR
SKUPŠTINE KANTONA SARAJEVO
Abid Kolašinac, dipl.pravnik

PREDSJEDAVAJUĆA
SKUPŠTINE KANTONA SARAJEVO
Prof.dr Mirjana Malić

Sastavni dio ovog zapisnika su stenografske bilješke, u kojima su detaljno obrazložene diskusije poslanika/zastupnika , audio i CD snimak sjednice, koji se čuvaju u Službi za skupštinske poslove Skupštine Kantona Sarajevo.